

# Solat Satu Kewajipan Setiap Umat Islam

Written by Administrator  
Monday, 10 October 2011 03:51

---



## SOLAT

### APA ITU SOLAT

Perkataan "Solat" beerti DOA dan menurut istilah syarak, solat ialah beberapa perkataan dan perbuatan yang didahului dengan takbir dan diakhiri salam dengan syarat-syarat tertentu.

Sebelum melakukan ibadat solat, seseorang itu mestilah terlebih dahulu menyucikan diri daripada hadas dan najis. Sekiranya ibadat solat itu dilakukan dalam keadaan dirinya kotor, maka amalan tersebut tidak sah. Solat merupakan tanda pertalian terus seorang hamba dengan Allah. Islam memfardhukan ke atas umatnya melaksanakan solat wajib sebanyak lima waktu sehari semalam.

## Solat Satu Kewajipan Setiap Umat Islam

Written by Administrator

Monday, 10 October 2011 03:51

---

- Solat Asar sebanyak 4 rakaat
- Solat Maghrib sebanyak 3 rakaat
- Solat Isyak sebanyak 4 rakaat
- Solat Subuh sebanyak 2 rakaat
- Solat Zohor sebanyak 4 rakaat

### HUKUM BAGI ORANG YANG MENINGGALKAN SOLAT

- Orang yang meninggalkan solat boleh mendedahkan diri kepada kekufuran kerana meninggalkan Rukun Islam.
- Orang yang mengingkari kewajipan solat adalah kufur kecuali dia baru menganut agama Islam sedangkan dia belum mengetahui hukum wajibnya.
- Bagi yang meninggalkan dengan sebab segan atau malas tetapi mengakui kewajipan solat, terdapat dua pendapat mengenai perkara ini :
  - a) Menurut Abu Hanifah ; Tidak menjadi kafir tetapi boleh dikenakan hukum takzir serta dipenjarakan sehingga dia kembali solat. Orang yang meninggalkan solat dengan sengaja ini termasuk dalam orang yang berdosa.
  - b) Menurut Saidina Ali dan Imam Ahmad Hambal ; Orang yang meninggalkan solat dengan sengaja hukumnya kafir kerana mengingkari perintah Allah
- Kesimpulannya : Orang yang meninggalkan solat disebabkan malas atau sengaja adalah fasik, kerana telah melakukan dosa besar iaitu mengabaikan salah satu daripada Rukun Islam.

### DALIL YANG MEWAJIBKAN SOLAT

Firman Allah s.w.t yang bermaksud :

1] ... maka dirikanlan solat. Sesungguhnya solat itu suatu kewajipan yang ditentukan

## Solat Satu Kewajipan Setiap Umat Islam

Written by Administrator

Monday, 10 October 2011 03:51

---

waktunya ke atas orang-orang mukmin. (an-Nisa ... 103)

Hadis Rasulullah s.a.w :

1] Solat itu tiang agama, sesiapa yang mengerjakannya, dia akan menegakkan agamanya. Sesiapa yang meninggalkannya, dia akan meruntuhkan agamanya. ( Riwayat Baihaqi )

2] Suruhlah anak-anak kamu mengerjakan solat apabila berusia tujuh tahun dan pukullah mereka jika meninggalkannya bila berumur sepuluh tahun dan pisahkanlah mereka di tempat tidur. (Riwayat Ahmad, Abu Daud dan Al - Hakim)

### SYARAT-SYARAT WAJIB SOLAT

- Islam
- Baligh
- Berakal

### WAKTU YANG DIMAKRUHKAN SOLAT TANPA SEBAB-SEBAB TERTENTU

- Selepas solat subuh sehingga matahari naik.
- Ketika matahari naik dengan kadar segala
- Ketika matahari berada tegak di atas kepala.
- Selepas solat asar sehingga matahari jatuh.
- Ketika matahari terbenam.

### RUKUN SOLAT

- Niat
- Takbiratulihram
- Berdiri betul bagi orang yang berkuasa
- Membaca surah al - Fatihah

## Solat Satu Kewajipan Setiap Umat Islam

Written by Administrator

Monday, 10 October 2011 03:51

---

- Rukuk serta            tamakninah
- Iktidal
- Sujud
- Duduk di antara dua            sujud
- Duduk tahiyat akhir
- Membaca tahiyat            akhir
- Membaca selawat ke            atas Nabi Muhammad s.a.w
- Salam pertama
- Tertib

### PERKARA YANG MEMBATALKAN SOLAT

- Meninggalkan salah            satu daripada rukun solat.
- Berkata-kata dengan            sengaja.
- Bergerak lebih            daripada 3 kali berturut-turut.
- Terkentut dan yang            sewaktu dengannya.
- Terdapat najis pada            badan dan pakaian.
- Aurat terbuka.
- Mengubah niat solat.
- Membelakangkan            kiblat.
- Makan walaupun            sedikit.
- Minum
- Ketawa
- Murtad